

09.03 MARELLA

Il magliacudeschs – Glischs misteriusas

En il magliacudeschs discurra Esther Krättli cun giasts davart cudeschs che dattan en egl.

En il center da l'emissiun stattan dus cudeschs che tractan da maniera fitg differenta il tema glisch. Ils giasts dal «Magliacudeschs» èn questa giada l'autur Gion Mathias Cavelty ed il politicher Jon Pult. En «Lucifer» prenda Gion Mathias Cavelty il lectur e la lectura sin in viadi



grotesc enavos en il stgir temp medieval. L'erox dal roman fa tut per vegnir illuminà. «Im Berg ist ein Leuchten» è in riquint, nua che realitat e magia sa maschaidan. L'autur Andri Perl ha ambientà sia istorgia en in vitg fictiv en Engiadina. Là datti ina miniera abandunada che zuppen-ta in misteri.

Redacziun: Esther Krättli